

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Disputatio Secunda De Religione Eclectica Seu Prudentum
ad Locum 1. Thessal. V.21**

**Hardtschmidt, Johann Nicolaus
Winter, Johannes Christoph**

Argentorati, 1705

VD18 11641991

§. 8

urn:nbn:de:bsz:31-105849

no, id quod patet ex Scripturæ locis tum antecedentibus cap. 9. 17. tum consequentibus. c. 20. 30. è quo tamen speciali mandato divino, nemo recte collegerit, eos, qui pro hæreticis habentur, capitali supplicio afficiendos esse: quod vero *modum* attinet ipsam, quod Jehu simulaverit se Baali sacrificium facturum esse, de eo non omnium est eadem sententia; si præcepto & mandato DEI fecit, quicquid fecit, assumpto etiam secum Jonadabo, viro pio, & veri cultus sectatore strenuo, non potest ille afferri in exemplum ejus, qui *religionem prudentum crassissimam* confirmet, & sub prætextu religionis falso, *einer falschen Verstellung*/ ut habent verba auctoris, exequatur necem Baalitarum. Si vero & in hoc negotio ut hominem *apud idios æstimes*, qui peccatis Jeroboami adhæserit, ipse quidem *modus* non probabitur, licet *res ipsa* divino jussu facta sit. Certè b. noster Brentzius comment in h.l. cum f. 1022. dixisset, Jehu hoc fecisse *dolose & insidiosè*, aliud tamen respiciens f. 1023. scripsit, *Jehu mandato domini fecit, quicquid fecit*. Alias b. Augustinum hoc Jehu factum existimasse mendacium esse & improbandum, refert b. noster Dn. D. Dannhavv. Theol. Conscient. T.1. part.2. Sect.3. dial.3. art.3. quæst.8. p.651. sqq.

§. 8.

Non diffitemur autem quod multi *prudentes tales, quales* sunt hujus *religionis*, vel potius *opinionis* homines, ex principio hoc pro diversitate status, diversas religiones excogitaverint, quod vero in genere ait. p. 17. *Es haben es viel dahin aufgelegt/ daß/ weil nemlich mancherley Republicuen sind/ und dieselbige unterschiedliche Staats- Absichten haben/ auch hierdurch eine jede Republic, nachdem es ihr Staat erfordert/ eine Religion erfonnen/* hoc inquam nonnullorum judicium falsum esse putamus, sit licet una alterave Respublica, regio vel regnum, quæ id fecerint, non tamen dicendum, quod omnes & singulæ id fecerint, *ein jede Republic*. Quis enim tam insolens & temerarius futurus sit, qui asserere audeat, singulas respublicas, *ein jede Republic*, id egisse, ut juxta rationem Status & *religionem prudentum crassissimam*, religionem statui suo accommodaret; quisquis sit, qui hoc pronunciet, pœnas credo luet, judicii

(3.)
§. 8.
Effectus
vel consequens.